


# عن الإصلاح بـنتكلم



شعر  
م. وحيد حامد الدهشان

## قصيدة

سلسلة إبداعية غير دورية  
يشرف على إصدارها  
ناصر صلاح وحيد الدهشان



عن الإصلاح بـتـكـلـم

وبادعى ربنا يسلم

وقبل الدنيا ما تضلم

عن الإصلاح بـتـكـلـم

❖❖❖

وباكتب كلمتى فى النور

ومش خايف ومش مغرور

وباحلم يتولد فارس

يكون عاقل يلم الدور

❖❖❖

وفاتح للجميع قلبى

وفاتح للجميع بابى

وعارف سكنى ودربى

وحتى إن قالوا إرهابى



وباسأل أى أى حكيم

عشان طبعا أكيد فهم



وباسأل لجنة السياسات

ونفسى تقرب المسافات

وباسأل برضه عم جمال

وعم سرور وعم كمال



وقبل ما أخش فى المواضيع

أنا ما باحبش الترقيع

هاكون واضح وسامحونى

ياريت واحد يرسينى

عن الإرهاب وأسبابه

ومين اللى فتح بابه

ومين خلى القلوب الخضرا

تتججر كما الجلمود

وتتعود على القسوه

وتتفجر غضب وبارود



ومين مرّغ جيين الحلم

فى الأوحال

ومين دوّب مرار القهر

فى الموال



ومين خلى البيوت قضبان

ومين خلى المدن قضبان

ومين خلى الحدود قضبان

وغمّانا ومشانا كما العميان

تقول مساخيط تقول خرفان



ومين بيسخر الجلال

يخلى ليلنا ونهارنا

سواد ف سواد

ومين بيطارد الأولاد

إذا مشيوا ف طريق الله

إذا حافظوا على الصلوات

وحاولوا يرجعوا للذات

ويستعلوا على الشهوات

ومين بيشجع الفاسدين

ومين بيهرب الملايين

ومين بيلخبط الموازين

وخلانا نشوف واحد

ينكد عيشة اولاده

ولا يحلى فى يوم زاده

إذا عرفوا طريق النور

وسابوا سكة الضلمة

وبيصهين ويظمن



ويحسب إنه متآمن

لو ابنه يشتغل طبال

وبنته تشتغل عالمه



ومين بيحارب الإسلام

بكل وسائل الإعلام

ومين خلى الحجاب بشروط

وشاهر بالقانون سيفه

وساب العرى مش مربوط

بيتمخطر على كيفه

ومين بيفصل القوانين

ومين بيلوث الجرانين



ومين جاوز حدود العقل

والمعقول

ومين غلى علينا المش

غلى الفول

ومين شفناه ويعنيننا

بياخد الخلق من بيتها

فى نص الليل

وتتبعزق كرامتها

وتعرف إنها ممكن

تدوق الويل

وكان بيدب فى المليون

برىء.. مجرم كانت سيات

وعشنا أيام نشوف إجرام

ما كان يخطر على بالنا

وفكر جبان

إذا عايز يجيب إنسان

بياخد أخته أو زوجته

يدوس عرضه

يهين الأم

يزرع بذرة فى أرضه

ما تطرح غير سنابل دم



ومين ضلّمها ع الآخر

وقاعد فوق صدور الناس

وما فى نية يتاخر

ومين قافل طريق الحل بالسلمى

وليل طول ملان كوايبس

وخانق فى المدى حلمى

ومين دلس ومين زور

وحدوته بتتكرر

ومين بيحضر الأموات  
مهازل واسمها انتخابات  
لا عايز يضبط الكشوفات  
ولا سامح بحريات  
وشل مسيرة النقابات



وحتى الصورة والديكورات  
تساع العم صباحى  
وزيط ومعيط  
وحزب المشى جنب الحيط  
وقنها كمان يساريين

يمينيين .. تجمع للشيويعيين

ووفديين وناس تانيين

لا ليه فى الطور ولا فى طحين

وواحد حزب ملاكى

وما فى حزب للإخوان

بفكر وفهم إسلامى

ومين يا مصر خلاكى

فى وسط العالم النائم

أنا آسف وقصدى أقول:

فى وسط العالم النامى؟

وصوت الغول

يقول لك: يا بلد نامى



ومين بيمشى بالمعكوس

ويتعالمى عن التضاريس

وعاملين لجنة للأحزاب

تسئك الباب

فى وش المد والتيار

وتفتح للى جاى منهار

ولو بصيت على الخارطة

تلاقى كلها أسرار

مفیش حاجة وفيه يافطه

وفيه حاجة مفیش يافطه



وأهل الحل أهل العقد

فی وادی وبتهاى

بتدن بس فی مالطه

وناس تانيه بيتوارثوا

فی شىء مش ملئ

شغلّه نصب وأونطه





وحرية على جرعات  
وبمثل على الخواجات  
وإدونا زمان شهادات  
وفكرنا انهم مساويل  
وناس مهابيل  
لكن إحنا  
خلاصة السبع حبات  
ولما بانق القولة  
وجت كوندا كما الغولة  
نظامنا اتحط فى ورطه



ومين بيقول كلام الحق

لكن يعمل الباطل

وبيماطل

وابص لحالنا بين الخلق

من إمتى بنتجرع مرار وهوان

وكل ما اقلب الجرنان

واشم روايح التضليل

مع البهتان

اقول وبحزن قلب تعيس:

كلام علما وفعل شيطان



ومين يا خلق دلونى

وليه وازاى

أدش كمان

ياريت واحد يرسينى

بدون ما بيان لنا نابه

عن الإصلاح وأبوابه

وليه ما نكونش خطابه

وليه مانكونش خطابه

